

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ԻՐԱՎԱԳԻՏՈՒԹՅԱՆ ՖԱԿՈՒԼՏԵՏ

«Պետության և իրավունքի հիմունքներ»
առարկայից դպրոցականների օլիմպիադայի
ԳՐԱՎՈՐ ԱՌԱՋԱԴՐԱՆՔ (2026 թ.)

Կրթական
կազմակերպությունը _____

Ազգանուն _____
Անուն _____
Հայրանուն _____

Միրելի աշակերտներ,

Գրավոր աշխատանքները բաղկացած են հետևյալ առաջադրանքներից (գնահատման ձևերը և միավորները տրված են հենց աշխատանքում)

- 1. Ընտրովի պատասխանով առաջադրանքներ (ընդամենը 3 միավոր):*
- 2. Համապատասխանեցման առաջադրանքներ (ընդամենը 2.5 միավոր):*
- 3. Կտրուցված պատասխանով առաջադրանքներ (ընդամենը 1 միավոր):*
- 4. Գծապատկերի լրացում (1,5 միավոր):*
- 5. Շարադրանք (2 միավոր):*

*Յուրաքանչյուրի աշխատանքի **ընդհանուր** միավորային արժեքն է՝ 10:*

1. **Նշեք ճիշտ պատասխանը՝ այն ընդգծելով** (յուրաքանչյուր ճիշտ պատասխանը գնահատվում է 0.5 միավոր)։

1.1. **Ստորև թվարկվածներից ո՞րը գործող մասնագիտացված դատարան ՉԷ Հայաստանի Հանրապետությունում՝**

- ա) Հակակոռուպցիոն դատարան,
- բ) Տնտեսական դատարան,**
- գ) Վարչական դատարան,
- դ) Սնանկության դատարան:

1.2. **Ստորև բնորոշումներից ո՞րը ճիշտ ՉԷ:**

- ա) Փաստաբանների դերն օրենքով չարգելված բոլոր միջոցներով և եղանակներով իրավաբանական օգնություն ցուցաբերելն է անձի իրավունքների, ազատությունների և շահերի ոչ միայն պաշտպանության, այլև իրականացման ուղղությամբ:
- բ) Փաստաբանն իրավաբանական օգնություն է տրամադրում անձի իրավունքների, ազատությունների և շահերի ոչ միայն պաշտպանության, այլև իրականացման ուղղությամբ՝ բոլոր հնարավոր միջոցներով և եղանակներով:**
- գ) Փաստաբանը ներկայացնում է անձի շահերը դատարաններում, պետական կառավարման և տեղական ինքնակառավարման մարմիններում, ինչպես նաև այլ անձանց հետ հարաբերություններում:
- դ) Փաստաբանի ծառայությունները վճարովի են, սակայն ՀՀ Սահմանադրությամբ պետությունը ստանձնել է մարդկանց անվճար իրավաբանական օգնություն ապահովելու պարտականություն:

1.3. **Նշեք ճիշտ տարբերակը՝ այն ընդգծելով:**

Ֆիզիկական անձի լրիվ գործունակությունը ծագում է՝

- ա) **18 տարին լրանալու պահին,**
- բ) ծննդյան պահին,
- գ) 20 տարին լրանալու պահին,
- դ) 16 տարին լրանալու պահին:

1.4. Որո՞նք են զանցանքը հանցանքից տարբերակելու հատկանիշները. ընտրել երկու ճիշտ հատկանիշ՝

- ա) սովորության իրավունքի նորմով սահմանված լինելը,
- բ) հանրային վտանգավորության աստիճանը,**
- գ) մեղավորության աստիճանը,
- դ) վարչական իրավունքի նորմով նախատեսված լինելը:**

1.5. Նշեք ճիշտ տարբերակը՝ այն ընդգծելով:

- ա) Պետական և տեղական ինքնակառավարման մարմիններն ու պաշտոնատար անձինք կարող են գործել իրենց հայեցողությամբ, եթե տվյալ հարցն օրենքով հստակ կարգավորված չէ:
- բ) Պետական և տեղական ինքնակառավարման մարմիններն ու պաշտոնատար անձինք կարող են կատարել նաև այնպիսի գործողություններ, որոնք թեև անմիջականորեն նախատեսված չեն օրենքով, բայց բխում են իրենց գործառույթներից:
- գ) Պետական և տեղական ինքնակառավարման մարմիններն ու պաշտոնատար անձին իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:**
- դ) Պետական և տեղական ինքնակառավարման մարմիններն ու պաշտոնատար անձինք իրավասու են կատարել այնպիսի գործողություններ, որոնք արգելված չեն Սահմանադրությամբ կամ օրենքներով և չեն խախտում այլոց իրավունքներն ու օրինական շահերը:

1.6. Նշեք ճիշտ տարբերակը՝ այն ընդգծելով:

- ա) Հանցավոր ինքնավստահության դեպքում անձը չի նախատեսում իր գործողության հանրության համար վտանգավոր հետևանքների առաջացման հնարավորությունը, թեև պարտավոր էր և կարող էր դրանք նախատեսել:
- բ) Հանցավոր ինքնավստահության դեպքում անձը նախատեսում է իր գործողության հանրության համար վտանգավոր հետևանքների առաջացման հնարավորությունը, սակայն առանց բավարար հիմքերի՝ ինքնավստահորեն հույս է ունենում, որ դրանք կկանխվեն:**
- գ) Հանցավոր ինքնավստահության դեպքում անձը նախատեսում է իր գործողության հանրության համար վտանգավոր հետևանքների առաջացումը և ցանկանում է դրանց վրա հասնել:
- դ) Հանցավոր ինքնավստահության դեպքում անձը նախատեսում է իր գործողության հանրության համար վտանգավոր հետևանքների առաջացման հնարավորությունը և գիտակցաբար հաշտվում է դրանց վրա հասնելու հետ:

2. Համապատասխանեցրեք ստորև բերվող հասկացությունները դրանց նկարագրությունների կամ սահմանումների հետ՝ ստորև նշված թվերի տակ ավելացնելով համապատասխան տառերը (յուրաքանչյուր ճիշտ համապատասխանեցում գնահատվում է 0.5 միավոր)։

ա) Չախ գաղափարախոսություններ	1. Գաղափարախոսություն, որը հենվում է այնպիսի սկզբունքների վրա, ինչպիսիք են անհատը՝ բացարձակ արժեք, բոլորի հավասարությունը օրենքի առջև, իրավունքի գերակայությունը, մարդու իրավունքների անօտարելիությունը, մասնավոր կյանքի պաշտպանությունը, համընդհանուր ընտրական իրավունք և այլն:
բ) Ազատականություն	2. Քաղաքականություն և հրապարակախոսություն, որն ուղղված է «<ժողովրդական լայն զանգվածներին>> :
գ) Ռեակցիոնիզմ	3. Գաղափարախոսություններ, որոնք հանդես են գալիս հոգուտ սոցիալական հավասարության, հավասար հնարավորությունների, տնտեսվարման հանրային ձևերի և ընդդեմ հասարակության սոցիալ-դասակարգային աստիճանակարգության :
դ) Պոպուլիզմ	4. Տնտեսական քաղաքականության սկզբունք է, որի համաձայն՝ պետական իշխանությունների միջամտությունը տնտեսական հարցերում պետք է հասցվի նվազագույնի՝ «<գիշերային պահակի>> դերի՝ տնտեսական օրենքների, կանոնների հսկողության :
ե) Լեսսե-ֆեր	5. Առկա կարգերի դեմ ուղղված շարժումներին հակադրվող քաղաքականություն և հրապարակախոսություն :

1	2	3	4	5
բ	դ	ա	ե	գ

3. Լրացրեք բաց թողած բառերը (յուրաքանչյուր ճիշտ պատասխան գնահատվում է 0.5 միավոր):

- Միջազգային իրավունքի աղբյուր է համարվում որպես իրավական նորմ ճանաչված միջազգային սովորույթը՝ իբրև _____
ապացույց: (*համընդհանուր պրակտիկայի*)

- Միջազգային հարաբերություններում ՄԱԿ անդամ պետությունները պարտավոր են ձեռնպահ մնալ ցանկացած պետության տարածքային ամբողջականության կամ քաղաքական անկախության նկատմամբ ուժի գործադրումից կամ դրա սպառնալիքից: Բացառություն են կազմում երկու դեպք՝ միջազգային խաղաղության և անվտանգության պահպանության նպատակով ընդունված ՄԱԿ-ի Անվտանգության խորհրդի որոշմամբ թույլատրված ուժի գործադրումը և անհատական կամ կոլեկտիվ _____
_____ իրավունքը: (*ինքնապաշտպանական*)

4. Ստորև բերված աղյուսակում լրացրեք միջազգային իրավունքի առնվազն երեք սկզբունք: Միայն մեկ ճիշտ պատասխանը գնահատվում է 0.5 միավոր, երկու ճիշտ պատասխանը գնահատվում է 1 միավոր, երեքը՝ 1,5 միավոր:

Նշեք միջազգային իրավունքի առնվազն երեք սկզբունք		
Ժողովուրդների իրավահավասարության և ինքնորոշման իրավունք	Ուժի կիրառման կամ դրա սպառնալիքի արգելքի սկզբունք	Ներքին գործերին չմիջամտելու սկզբունք

Միջազգային վեճերի խաղաղ կարգավորման սկզբունք

Տարածքային ամբողջականության և քաղաքական անկախության սկզբունք

Պետությունների ինքնիշխան հավասարության սկզբունք

5. **Ներկայացրեք** մարդու իրավունքների պաշտպանության միջազգային համակարգը հետևյալ սխեմայով՝

- Մարդու իրավունքներին վերաբերող միջազգային պայմանագիր (0,5 միավոր), **բնորոշում և առնվազն մեկ փաստաթղթի օրինակ.**

(ՄԱԿ-ի կողմից ընդունված Մարդու իրավունքների համընդհանուր հռչակագիրը (1948), ՄԱԿ-ի կողմից ընդունված Մշակութային բազմազանության վերաբերյալ համընդհանուր հռչակագիրը (2001), Քաղաքացիական և քաղաքական իրավունքների վերաբերյալ միջազգային դաշնագիր (1966), Տնտեսական, սոցիալական և մշակութային իրավունքների վերաբերյալ միջազգային դաշնագիրը (1966) և այլն)

- Մարդու իրավունքների պաշտպանության միջազգային կառույց (0,5 միավոր), **բնորոշում և առնվազն մեկ կառույցի օրինակ.**

(ՄԱԿ-ի կոմիտեներ՝ Տնտեսական, սոցիալական և մշակութային իրավունքների կոմիտե, Կանանց նկատմամբ խտրականության վերացման կոմիտե, Երեխայի իրավունքների կոմիտե և այլն)

- Մարդու իրավունքներին վերաբերող տարածաշրջանային պայմանագիր (0,5 միավոր), **բնորոշում և առնվազն մեկ փաստաթղթի օրինակ.**

(Մարդու իրավունքների և հիմնական ազատությունների վերաբերյալ եվրոպական կոնվենցիան (1950), Մարդու իրավունքների ամերիկյան կոնվենցիան (1966), Մարդու իրավունքների արաբական խարտիան (1994) և այլն)

- Մարդու իրավունքների պաշտպանության տարածաշրջանային կառույց (0,5 միավոր), **բնորոշում և առնվազն մեկ կառույցի օրինակ.**

(Մարդու իրավունքների պաշտպանության եվրոպական դատարան, Մարդու իրավունքների պաշտպանության միջամերիկյան դատարան և այլն)

ԵՊՀ իրավագիտության ֆակուլտետի
Պետության և իրավունքի տեսության ու պատմության
ամբիոնի դոցենտ, իրավաբանական գիտությունների
թեկնածու



Տարոն Միմոնյան

Քննական հանձնաժողովի կազմը

1. Միմոնյան Տարոն՝ նախագահ,
2. Վիրաբյան Գևորգ՝ անդամ,
3. Աբաջյան Ռոզա՝ անդամ: